

PUBLICADAS AS BASES reguladoras e a convocatoria para os anos 2018 e 2019 das axudas a investimentos non produtivos vinculados á realización de obxectivos agroambientais e climáticos en concellos incluídos na Rede Natura 2000, cofinanciadas co Fondo Europeo Agrícola de Desenvolvemento Rural (Feader) no marco do Programa de desenvolvemento rural (PDR) de Galicia 2014-2020.
https://www.xunta.gal/dog/Publicados/2018/20180115/AnuncioG0422-221217-0007_gl.html

BENEFICIARI@S:

a) As **persoas titulares de terreos agrícolas e forestais privados**, entendendo por titulares as persoas físicas ou xurídicas propietarias ou arrendatarias ou xestores de terras que **realicen investimentos non produtivos** necesarios para alcanzar os compromisos adquiridos baixo programas agroambientais ou outros obxectivos ambientais na rede Natura 2000, ou aqueles que realicen investimentos nunha explotación que reforce o carácter de utilidade pública dunha zona Natura 2000 ou outras áreas de alto valor natural.

b) **Os concellos incluídos na rede Natura 2000** na súa condición de xestores de elementos comúns da paisaxe agraria.

c) As asociacións ambientalistas e de custodia do territorio que sexan propietarias ou arrendatarias de terras agrícolas incluídas en áreas elixibles.

Actividades subvencionables e importe.

a) Actuacións dirixidas á mellora da paisaxe agraria ou actuacións de desenvolvemento de usos recreativos:

– Creación e/ou mellora de cercas, sebes, vexetación de lindes e arrós non cultivados;

– Actuacións para a mellora da paisaxe rural, como restauración de valos de cachotaría e cantarías;

– Mellora de carreiros rurais;

- Creación de rutas e áreas recreativas, así como os investimentos necesarios orientados a proporcionar o equipamento de información e interpretación adaptados ás características dos espazos naturais como elementos interpretativos, paneis informativos, observatorios ou elementos de análoga natureza asociados ás rutas ou ás áreas relacionados coa mellora do carácter de utilidade pública de Natura 2000 destinadas a visitantes ou habitantes;

- Sinalizacións de camiños e carreiros;

- Outras de análoga natureza.

b) Actuacións dirixidas á recuperación de elementos históricos patrimoniais ou culturais representativos ou necesarios para o mantemento da paisaxe agraria tradicional.

- Rehabilitación de elementos históricos patrimoniais ou culturais, representativos nas explotacións agrícolas, hórreos, milladoiros, cabanas, valados, fontes e calquera outras de análoga ou similar natureza, ou necesarios para contribuír ao mantemento da paisaxe rural tradicional. Realizarase dentro dos espazos naturais e conforme os condicionados do anexo VI. Non serán elixibles os gastos de restauración de elementos do patrimonio histórico nin os arqueolóxicos, catalogados como bens de interese cultural ou incluídos en catálogos municipais.

c) Actuacións dirixidas á preservación dos hábitats ou ecosistemas naturais e seminaturais:

i. Actuacións para a preservación de hábitats prioritarios ou de interese comunitario ou de hábitats de especies prioritarias, ameazadas ou de interese comunitario:

- Creación de cercas e outras obras necesarias para facilitar a conservación, incluída a protección das augas e do solo;

- Restauración de zonas húmidas, corrección de drenaxes e restauración de queirogais;

- Modificación de estruturas existentes para permitir o desprazamento da fauna salvaxe e outras actuacións de mellora da conectividade;

- Investimentos destinados á preservación da vexetación de ribeira e filtros verdes;

- Eliminación de especies exóticas invasoras e restauración da vexetación característica do espazo;

- Outras actuacións de diverso tipo que contribúan á preservación dos hábitats das especies.

ii. Actuacións de preservación de ecosistemas naturais ou seminaturais (prados de sega, soutos...).

iii. Outras actuacións sobre ecosistemas naturais ou seminaturais entre as cales se menciona, a modo de exemplo, a recuperación de sebes nos límites das explotacións e nas beiras das zonas comúns ou recuperación de soutos.

2. En ningún caso serán subvencionables aquelas actuacións ou actividades que non sexan respectuosas coas finalidades e obxectivos da rede Natura 2000 ou que poidan poñer en perigo os valores que xustifican a protección destes espazos, recollidos segundo as prescricións contidas na normativa comunitaria, estatal e autonómica aplicables a estes espazos. Tampouco serán subvencionables aquelas medidas que xa foron obxecto de financiamento con cargo ao PDR 2007-2013 ou PDR 2014-2020, salvo que transcorresen máis de 5 anos desde o último pagamento.

3. Concederáse o **100 % do seu custo** subvencionable, cun importe **máximo de 20.000 euros/proxecto no caso das persoas da alínea b) e de 12.000 € no caso das persoas beneficiarias referidas no artigo alíneas a) e c).** Só se admitirá unha única solicitude de axuda e un único proxecto.

4. Dada a natureza dos investimentos subvencionables, estes débense manter afectados para o fin para o cal se lles concedeu a subvención, como mínimo durante cinco anos.

5. O IVE non será subvencionable.

PRAZO 15/02/2018